

**UDALBATZAK 2009KO AZAROAREN 16AN EGINIKO EZOHIKO OSOKO BILKURARI DAGOKION  
AKTA**

Errenteriako Udaletxean, bi mila bederatziko azaroaren hamaseiko goizeko 08:30 zirela, lehenengo deialdian eta Juan Carlos MERINO GONZALEZ alkate jaunaren esanetara, ondoko zinegotziak elkartu dira:

- Joaquin ACOSTA PACHECO
- M<sup>a</sup> del Mar CARRILLO GASCON
- Jesus OFICIALDEGUI RUIZ
- Joseba ECHARTE MARTIN
- Jose Angel RODRIGUEZ MEDINA
- Mikel DURAN GONZALO
- Juan Karlos MURUA ROMA
- Itsasne ALVAREZ DE EULATE LASA
- Luis Santiago ANGULO MARTIN
- Agustina Ana CANO CEREIJO
- Iñaki QUERALT COIRA
- Gorka MAUDES MIGUELTORENA
- Maite PEÑA LOPEZ
- Venancio GRAVINA ESNAL
- Jose Manuel FERRADAS FREIJO
- Jose LEGORBURU AYESTARAN
- Lucia PERALTA FERNANDEZ
- Joxe BURGOS VIÑARAS

Ez dira etorri baina ezinetorria adierazi dute Silvia ASTORGA MARTINEZ eta M<sup>a</sup> Angeles BASTOS FERNANDEZ andreek.

Bertan dago, halaber, udal kontu-hartzaile Jose M<sup>a</sup> ARENZANA GARCIA jauna.

Era berean, egintzaz fede emateko, bertan dago Francisco Javier LESCA EZPELETA idazkari jauna.

**1. Telefono mugikorraren zerbitzuak ematen dituzten enpresek Udalaren jabari publikoaren erabilera pribatua eta aprobetxamendu berezia egiteagatiko tasa arautzeko ordenantza.**

11/1989 Foru Arauak, uztailaren 5ekoa, Gipuzkoako Toki Ogasunei buruzkoak, 20. artikuluan zera dio: *ordenantzak ezarri eta onartzeko erabakia hartu ondoren, Gipuzkoako udalerriek tasak finkatu eta exijitu ahal izango dituzte, foru arau honetan jasotakoari jarraiki, udalaren herri jabariaren erabilera pribatibo edo aprobetxamendu bereziagatik, bai eta*

*subjektu pasiboari bereziki egokitu, eragin edo onura ekartzen dioten eta udalaren eskumenekoak diren zerbitzu publikoak emateagatik edo jarduera administratiboak egiteagatik ere.*

Udal honek erabaki du **telefono mugikorraren zerbitzuak ematen dituzten enpresek Udalaren jabari publikoaren erabilera pribatua eta aprobetxamendu berezia egiteagatiko tasak** ezartzea.

Telefono mugikorreko zerbitzuak ematen dituzten enpresek Udalaren jabari publikoaren erabilera pribatua edo aprobetxamendu berezia egiten badute, hori zergapetua dago aipatu 11/1989 Foru Arauaren, uztailaren 5ekoa, 24. artikulua zera ezartzen duelako: *Udal herri jabariaren erabilera pribatibo edo aprobetxamendu bereziagatik aurreikusitako tasen zenbatekoa ondoko erregelen arabera finkatuko da: Telefonía mugikorreko zerbitzuak ez dira tasa kuantifikatzeko erregimen berezi honetan sartuko.*

Atxikipen hau baieztatu zen 39/1988 Legea (Toki Ogasunak arautzen dituen), 51/2002 Legearen bidez eraberritu zenean, eta argi dago enpresa horiek telefono-sare finkoa baliatzen dutela, udal bakoitzak baimendutakoa, konexio-eskubideen bidez, eta ondorioz, zerbitzua etengabe eta modu eraginkor batean eman dezaketelako.

Zerga hau ordenantza baten bidez arautzea ez da batere baketsua izan udalerrri gehienetan. Horregatik, Finantza-zuzendaritzak proposatzen du tasa hau Auzitegi Gorenak 2009ko otsailaren 16an emaniko epaiaren arabera ezartzea, zeinak atzera botatzen baitu Badalonako Ordenantza Fiskala indarrrik gabe uzteko asmoa. Horregatik, onartzea proposatzen den Ordenantza Fiskala goian aitatzen diren irizpide eta oinarriei jarraiki egin da.

Auzitegi Gorenak epai honetan aurka egin die tasa honi buruz ezarritako hainbat aurka-egiteri eta berori ezartzea bidezkoa jo du, alegia, ezarriko diren tasak baloratzeko era eta enpresa horiek duten mendekotasuna.

Ordenantza Fiskalean jasotako oinarritzko determinazioak, 11/1989 Foru Arauaren 15. artikulua derrigorrez exijitzen dituenak, hauexek dira: *egitate zergapegarria* FAren 21. artikulua arabera; *subjektu pasiboa* FAren 23. artikulua arabera; *oinarri zergapegarria eta karga-mota edo zerga-kuota* FAren 24. artikulua arabera; *zerga-aldia eta sortzapena* FAren 26. artikulua arabera; *aitorpen araubide eta ordainketa* FAren 27. artikulua arabera; *onartze-data eta aplikazio-hastapena* FAren 23. artikulua arabera. Honekin batera doan Ordenantza Fiskalean horrelaxe jasota daude puntu hauek.

Eta berorren 15. artikuluan ezartzen du *Ordenantzaren onespren-akordioa zerga-ezarketarekin batera izan behar duela*. Horregatik, irizpen honek bi akordioak jasotzen ditu eta proposatzen du Ordenantza Fiskalak onartzeko Araudi horren 16. artikulua ezartzen duen prozedura zehatzepean egitea.

11/1989 Foru Arauak gai honen inguruan oinarritzko bi betekizun ezartzen ditu: 21. artikuluan txostena exijitzen du zera esaten duenean: *udalaren herri jabariaren erabilera pribatiboa edo aprobetxamendu berezia egiteagatik tasak ezartzeko akordioak merkatuko balioa adieraziko duten txosten teknikoen arabera hartuko dira*.

Eta 24. artikulua ezartzen du tasen zenbatekoa oinarritzen diren arauak: *Izaera orokorrez, erabilera edo aprobetxamendu horren erabilgarritasunak merkatuan izango lukeen balioa hartuko da erreferentzia gisa, beti ere eragindako ondasunak herri jabarikoak ez badira*. Hori, koste-baliokidetasuna printzipioa mantentzeko.

Arauak autonomia guztia ematen die udalerriei erreferentzia-baloreak ezartzeko, hau da, karga ezartzeko irizpideak arautzeko zera esaten duenean 24. artikuluan: *Horretarako, ordenantza fiskalek, erabilera pribatibo edo aprobetxamendu bereziaren izaera aintzat harturik, finkaturik utzi ahal izango dute kasu bakoitzean zein irizpide eta parametro erabiliko diren aipaturiko erabilgarritasunaren merkatuko balioa zehazteko*. Horregatik, udal autonomia errekonozitzen diolako, proposatzen da kalkulu zehatz eta berezia bidez egitea aprobetxamendu mota hau.

Udal kontu-hartzaileak idatzi du honekin batera doan txosten ekonomikoa, Foru Arauaren 24. artikulua, tasa horren bidez kargaturiko enpresek egiten duten aprobetxamendu horiek merkatuko balioa determinatzeari buruz eskatzen duena. Txostenean jasotzen dira aprobetxamendu honen izaera espezifikokoaren baitan aplikatzen diren balorazio-parametroak eta txosten hori aztertuta agerian geratzen da merkatuko balorearen muga errespetatzen dela.

Parametro horien artean, jakina, sartu behar da udalerrri honetan lehendik dauden telefono-sareek okupatzen duten Udalaren jabari publikoko espazioa, hau da, enpresa horiek hartzen dutena, hori edozein izanda ere enpresa bakoitzaren erabilpen-intentsitatea eta berorien titularrak izanik edo ez, Auzitegi Gorenak 1998ko urtarrilaren 15ean emaniko epaian aitatzten duen moduan.

Okupaturiko jabariaren azalera metro lineal eta lehengo linea-sekzioaren arabera erabakiko da. Ondoren, lurzoruak daukan katastro-balioa kontuan hartuta, batz besteko katastro-balioa ezartzen da, Ordenantza honetan "lurzoruaren balio-erreferentzia" deituko dioguna, zeina goian azaldu bezala, "telefono mugikorrerako telefono-sare finakoaren baitan" kalkulatu baita. Eta balore hori gero ponderazio-koefiziente batekin zuzentzen da merkatuko balorea determinatzeko, zeina derrigorrez gutxi gorabeherakoa izango baita, herri-jabariaren ondore horien benetako merkatu gardenik ez dagoelako.

Laburbilduz, erabili ditugun hiru parametroak hauexek dira: urteko oinarritzeko tarifa, aprobetxamendu bereziaren iraupena eta operadore bakoitzari herriko merkatu-kuotaren (zerbitzua ematen dion bezero-kopurua kontuan hartuz) arabera eragotz dakioken koefiziente zehatza. Ikus litekeen moduan, erabilitako hiru parametroetatik bi enpresa bakoitzari zehazki neurturikoak dira, eta beraz, betetzen dira *tributu-kargak ordaindu behar dituzten pertsonen ahalmen ekonomiko, baliokidetasun-kostu, orokortasun eta berdintasun* printzipioak.

Ogasuna batzordearen proposamena ikusitakoan.

Mintzatu dira:

\* Ferradas jaunak (Ezker Batua-Berdeak) adierazi du bere Taldea pozik dagoela segur aski Tasa onartuko dutelako osoko bilkura horretan. Bi arrazoi ditu horretarako: bata, garrantzi txikikoa bada ere —eurentzat handia—, ziur asko gaur aurrera aterako den proposamena hasieran bere Taldeak egin zuelako. Hala ere, nabarmendu nahi du, eurentzat garrantzitsuena delako, aurrera egiteko duten borondatea, nahiz eta operadoreen batek, ia-ia seguru, gaur Udalbatzak hartuko duen erabakiaren aurka helegiteren bat tarteratuko duen. Bestalde, euren aburuz, eta honek poza ematen die ere, Udalbatza ez dute baldintzatzen bere jardunean enpresa batek edo askok tartera dezaketen errekurtsioek. Enpresek euren defendatzen dute, baina Udalbatzak Errenteriako biztanle guztien interesak defendatu behar ditu, nabarmendu du. Amaitzeko, euren ustez, tasa hau onartzeko erakusten duen borondateak izan behar du Udalak burutzen dituen ekintza ororen iparrorratza.

\* Peña andreak (EAJ/PNV) adierazi du euren ere pozik daudela gaia osoko bilkurara ekarri eta segur aski onartuko delako. Gainera, are gehiago pozten dira Ezker Batuko eledunak argi eta garbi utzi duelako Udalbatzak herritarren interesen alde jarduten duela entzun duenean, izan ere, beste zenbaitetan, zeharka bederen, aitatu izan baita telefono mugikorreko

enpresek Udalaren jarduna baldintzatzen zutela. Horregatik, eskertzen du jendaurrean hori esan izana.

\* Cano andreak (atxiki gabeko zinegotzia) adierazi du eurek ere bat datozela tasa horiek ezartzeko ideiarekin. Alabaina ez daude ordenantza horren alde, izan ere, ikusi baitute berori egiteko garaian egindako kalkuluak, gutxienez, kezkarriak direla. Hots, txostenak berak dioen moduan, telefoniaren izenean izandako diru-sarrerak bakarrik hartu dira kontuan, ez enpresa horiek izaten dituzten bestelako diru-sarrerak. Hau da, txikizkariari emandako zerbitzua bakarrik hartu da kontuan kalkuluak egiterakoan eta ez handizkakoekin izaten dituztenak. Gero, atxikipen-margena deitzen den kontzeptuak nahiko margen handia uzten du, eta hori ere ez da kontuan hartu. Horren ondorioz, txostenean bertan esaten da, berez kuantifikatu den diru-sarrera gordinak kontuan hartuz gero, beste datu bat aterako litzakeela, hau da, oso alde handia dagoela kalkuluak modu batera edo bestera eginda. Bestalde, zerga-oinarria kalkulatu den hilean %95eko portzentajea erabili da, eta arrazoi horregatik, egindako kalkulua izan zitekeena baino baxuagoa atera da. Ondorioetan ere, berriro esaten da, salneurri handiagoa jar zitekeela eta ez dela jarri. Eta azkenean, esaten da proposaturiko kantitatea koherentea, onargarria, etab. dela, baina eurei, arrazoi horiengatik, iruditzen zaie ez dela hain argi geratu herritarren alde egiten den kontu hori. Eurek uste dute nolabait enpresen mozkinari begiratu zaiela, edo behintzat, enpresek izan ditzaketen irabaziak errespetatu

direla eta ez zaiela gehiegi begiratu herritarren patrikei. Euren aburuz, erakunde publikoek herritarren eskubideei eta egoerari begiratu behar diete. Gainera, txostenean hori bera aitatzten da; baita Konstituzioan ere, non atal batean gartzelaniaz zera jasotzen baita: *"que todos contribuirán al sostenimiento de los gastos públicos de acuerdo con su capacidad económica mediante un sistema tributario justo, inspirado en los principios de igualdad y progresividad"*. Eta gero zera esaten du: *"los poderes públicos estamos obligados a exigir en condiciones de igualdad esa contribución a todos los contribuyentes cuya situación ponga de manifiesto capacidad económica susceptible de ser sometida"*. Horregatik, euren ustez han proposatu diren kantitateekin asmatu ez delako, abstenituko dira bozkatzeko garaian.

\* Merino alkate jaunak (Socialistas Vascos-Euskal Sozialistak) adierazi du mintzatu direnen inguruan soilik esan dezaketela, gaia berria eta irristakorra izanik –denek antzematen dietelako enpresek ahaleginak egingo dituztela tasa berri hori inpugnatzeko–, egin beharreko lan berri bat zela. Berak jakin badaki teknikariek kontuari buelta asko eman dietela; aurretik dabiltzan udalerrri edo gaiaren berri zeukaten teknikariek harremanak izan dituztela; aldi berean interes eta kezka handiarekin

aztertu dutela. Horregatik, uste du pozik egon litezkeela, hain zuzen, egin behar zuten eta eskapatzen zen zerbait egin dutelako. Gero, praktikak erakusten badie lehenengo hau hobetu litekeela, ba, egingo dute. Horrez gain, berak ere, EAJko bozeramaileak egin duen moduan, zoriontzen du han herritarren interesak –beste era batera izan ez zitekeenez– defendatzen dituztela esan duena. Zeren eta, han uneren batean, norbaitek aitatu izan baitu Alkateak eta zinegotzi talderen batek herritarren interesak baino gehiago kezkatzen dituela multinazionalak.

Mintzaldiak amaitutakoan.

Udalbatzak, gehiengoz, aldeko 13 botorekin (Socialistas Vascos-Euskal Sozialistak, EAJ/PNV, Alkarbide, PP, Ezker Batua-Berdeak) eta 6 abstentzioz (atxiki gabeko zinegotziak),

## **E R A B A K I D U**

**LEHENENGO.** Tasak ezartzea telefono mugikorraren zerbitzuak ematen dituzten enpresek Udalaren jabari publikoaren erabilera pribatua eta aprobetxamendu berezia egiteagatik.

**BIGARREN.** Onartzea telefono mugikorraren zerbitzuak ematen dituzten enpresek Udalaren jabari publikoaren erabilera pribatua eta aprobetxamendu berezia egiteagatik tasa arautzen duen Ordenantza.

**HIRUGARREN.** Akordioa 30 lanegunez jendaurrean jartzea, hain zuzen, nahi duenak erreklamazioak eta oharrak egin ditzan.

**LAUGARREN.** Akordioa behin-betikoa bihurtuko da jendaurrean egon beharreko arazuko garaian inork ez badu erreklamaziorik egiten, eta, 2010ean urtarrilaren lehen indarrean sartuko da.

### **2. Alkatetzaren proposamena: Udal Araudi Organikoa aztertzeke Batzorde Bereziko partaideak izendatzeko.**

2009ko urriaren 30eko Udalbatzak erabaki zuen Errenteriako Udal Araudi Organiko berria aztertu eta eztabaidatzeko batzorde berezi bat eratzea. Batzorde hori Udalbatzak aukeratuko zituzkeen sei zinegotzik eta Alkateak, batzordeburu gisa, osatuko zuketena.

Akordio horretan bertan talde bakar batek ere ez zukeela ordezkari bat baino gehiago izango jasotzen zen. Beraz, Talde Politiko bakoitzak

ordezkari bat izango duenez, esan liteke batzordeak taldeetako bost ordezkari gehi seigarren bat – atxiki gabeko ordezkaria– izango duela.

Horregatik, Udalbatza honetako talde eta atxiki gabeko zinegotziekin egon ondoren,

Alkatearen proposamenez.

Udalbatzak, aho batez,

#### **E R A B A K I D U**

1. Batzorde Berezia eratzea Errenteriako Udaleko Araudi Organiko berria aztertu eta eztabaidatzeko. Berau ondorengoek osatuko dute:

**Batzordeburu:** Juan Carlos Merino Gonzalez alkate jauna.

#### **Bokalak:**

- Socialistas Vascos-Eusko Sozialistak: Jesus Oficialdegui Ruiz jauna.
- Ezker Batua-Berdeak: Jose Manuel Ferradas Freijo jauna.
- EAJ/PNV: Maite Peña Lopez andrea
- PP: Lucia Peralta Rodriguez andrea
- Alkarbide: Joxe Burgos Viñarás jauna.
- Atxiki gabeko zinegotziak: Karlos Murua Roma jauna.

Batzordeko idazkari lanetan Udaleko Idazkariak jardungo du edo bere legezko ordezkariak.

2. Alkatea ahalmentzea batzordea eratzeko deialdia egiteko eta antolakuntzari buruzko erabakiak (bilera-egutegia, etab.) zein azken xedea gauzatzeko hartu beharreko gainontzekoak hartzeko.

3. Batzorde hau deseginda geratuko da eratzeko zeregina amaitzen zaion bezain laster.

Eta aztertu beharreko gai gehiagorik ez zegoenez, Alkateak bilkura amaitutzat eman du egun bereko 08:45 zirela. Eta aztertutakoa eta erabakitakoa jasota gera dadin Akta hau egin dut Erkidego Autonomoko paper ofizialean, \_\_\_\_\_zenbakitik \_\_\_\_\_ra, eta nirekin batera Alkateak sinatu du. Egiaztatzen dut.